



UKA 2020/19  
07. oktober 2020

Múte Bourup Egede

**Uunga siunnersuut: Soraarnerussutisiaqalernissamut aaqqissuussinnermut peqataasussaataaneq pillugu Inatsisartut inatsisaata allangortinneqarnissaa pillugu Inatsisartut inatsisaat nr. xx, xx. xxx 2020-meersoq.**

### **(Aningaasaqarnermut Naalakkersuisoq)**

Soraarnerussutisiaqalernissamut katersisussaataaneermik aaqqissuussineq tunngavimmigut ajunngitsumik siunertaqarpoq, atuutilerneraniilli aaqqissuussinerup equngasortai ukioq nalaappavut allanguisoqartariaqartorlu uppernarsillugu.

Inuppassuimmi 6.000-init ikinnerunngitsut eqqugaapput, paasinarsivorlu katersisussaataaneermik aaqqissuussineq artukkiinginnerusumik aaqqinneqartariaqartoq.

Soraarnerussutisiaqalernissamummi katersisussaataaneerup eqquinerlunnera nalerorlugu, 2019-ip aasaaneraniit ukiaanera ilanngullugu, Naalakkersuisooqatigiit innuttaasut kaasarfiiniit arlaleriarlutik akitsuutiniq aallerput. Angallannermut, nioqqtissanut orsussamullu akitsuutiniq qaffaanermikkut, innuttaasorparujussuit inuuniarnikkut angummanniareersut, sulii angummanniarnerulernissaannik pilersitsipput.

Ilutigalugu peqareersut peqarnerulernissaat suliarineqarpoq, innuttaasut angummanniareersut kaasarfiiniit aallernikkullusoq.

Uffalu piffissami nalaatatsinni inuiaqatigiinni naligiinnginneq qaffakkiartuinnartoq, ukiunilu kingullerni Naatsorsueqqissaartarfiup kisitsisaatai tunngavigalugit, innuttaasut atukkamikkut naligiinnginnerannut ikeq annertusiartupiloortoq.

Naligiinnginnerup qaffakkiartuinnarnera iliuuseqarfigisariaqarpoq. Naligiinnginnermi annikinnerpaaffianiitsikkaanni nunap aningaasarsiorluarnera aamma tunngavissinneqartarmat.

Qulaani inuit ulluinnarni atugaat sammivagut, avaqqunneqarsinnaanngimmat aaqqissuussinerni imaattuni, atukkat qanoq innersut nalilersorluassallugit. Innuttaasullu amerlasuut atugaannut angummanniarfioreersunut ajorseriartitsigani aaqqiinissaq pisariaqarmat.

Taamak oqaaseqarluta, soraarnerussutisiaqalernissamut katersisussaataaneermut inatsisip allangortinnissaanut Naalakkersuisut qaqitaat, sukumiisumik peqqissaarussamillu Aningaasaqarnermut Akileraartarnermullu Ataatsimiitsitaliami suliiassanngorlugu inassutigaarput. Sulinermilu susassaqartut, kommunit Naalakkersuisullu qanimut suleqatigineqarnissaat kaammattuutigalutigu.